



Na osnovu člana 70. stav (1) i (4) Zakona o javnim nabavkama („Službeni glasnik Bosne i Hercegovine“ broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javne nabavke od 22.01.2016. godine, Centralna izborna komisija Bosne i Hercegovine je na 8. sjednici održanoj 25.02.2016. godine, d o n i j e l a

ODLUKU o poništenju postupka

(1) Poništava se postupak javne nabavke softvera - „Nadogradnja JIIS BiH“ izvršen primjenom otvorenog postupka za dostavu ponuda broj: 07-2-16-3-13/15 od 25.12.2015. godine.

(2) Obavještenje o poništavanju iz stava (1) dispozitiva ove odluke objaviti na „Portal javnih nabavki“, u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“, broj 90/14 i 35/15).

O b r a z l o ž e n j e

Postupak javne nabavke softvera - „Nadogradnja JIIS BiH“ proveden je putem otvorenog postupka. Obavještenje o nabavci objavljeno je na portalu Javnih nabavki broj: 794-1-1-147-3-31/15 od 25.12.2015. godine. Do krajnjeg roka za prijem ponuda 20.01.2016. godine do 14:00 sati, na adresu Centralne izborne komisije Bosne i Hercegovine dostavljene su dvije (2) ponude, ponuda Konzorcija ponuđača „Energoinvest“ d.d. Hamdije Čemerlića br 2, 71000 Sarajevo i „Telegroup“ d.o.o. Banja Luka“ i ponuda ponuđača „Ping“ d.o.o., Jukićeva br. 36, 71000 Sarajevo.

Komisija za javne nabavke imenovana Odlukom broj: 07-2-16-3-13/15 od 15.07.2015. godine i Odlukom o izmjeni odluke broj: 07-2-16-3-13/15 od 23.12.2015.godine izvršila je pregled i ocjenu ponuda o čemu je sačinila Zapisnik o pregledu i ocjeni ponuda broj: 07-2-16-3-13/15 od 22.01.2016. godine, koji je u prilogu ove odluke, u kome je konstatovala da ni jedna od dostavljenih ponuda nije prihvatljiva, jer ni jedan ponuđača nije dostavio sve tražene dokaze navedene u tenderskoj dokumentaciji i predložila Centralnoj izornoj komisiji Bosne i Hercegovine donošenje odluke o poništenju postupka nabavke softvera - „Nadogradnja JIIS BiH“ u smislu člana 69. stav (1) tačka b) i stav (2) tačka d) Zakona o javnim nabavkama.

Uzimajući u obzir navedeno, odlučeno je kao u dispozitivu ove odluke.


Pouka o pravnom lijeku

Žalba se izjavljuje Centralnoj izornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset dana od dana prijema ove odluke.

Broj: 07-2-16-3-13/15
Sarajevo, 25.02.2016. godine

Dostavljeno:

1. Ponuđaču
2. Odsjeku za materijalno finansijske poslove
3. Na internet stranicu CIK BiH www.izbori.ba
4. A/a



Predsjednik

Dr. Ahmet Šantić